

禮部志稿

卷一

卷二

卷三

卷四

卷五

卷六

卷七

卷八

卷九

卷十

總校官知縣臣楊懋珩

校對官學正臣翁樹棠

謄錄監生臣胡曉春

欽定四庫全書

禮部志稿卷五十二

明
俞汝楫 編

列傳

尚書呂震

呂震字克聲陝西臨潼人自幼穎悟以神童稱年二十
以明經領鄉薦入太學二十六年朝廷欲稽郡邑壤地
之廣狹貢賦之多寡命有司具圖以進使賦役適均奸

獎無隱震承檄往西浙督之民不勞而事集既還京師
遂拜山西按察司僉事繼入為戶部主事尋復出為北
平按察司僉事所歷俱以才幹聞成祖在潛邸將舉兵
靖難震知天命有在遂竭勞績壬午年內難平以城守
功陞真定知府本年召為大理寺左少卿二年陞大理
寺卿三年拜刑部尚書六年冬遷禮部尚書七年車駕
北狩東宮監國震啟會試天下舉人得中式者陳璉等
七十五人閏四月琉球官生石達魯在監三年例當省

親震以事屬外夷馳驛以聞上從之八年四月震等啟
言琉球官生自其國省親復監挈帶妻子女伴未有給
賜皇太子命工部亟製給之仍悉賜衣巾靴絛衾褥枕
簞九年三月震奏舉廷試上可其奏賜蕭時中以下及
第出身有差十一年十二月二十八日鴻臚寺奏習正
旦賀儀上詔禮部翰林官問曰正旦日食百官賀禮可
行否震對曰日食與朝賀之時先後不相妨侍郎儀智
曰終是同日免賀為當後以學士楊士奇引証甚直竟

免賀十九年定鼎北京去行在二字震改北部夏四月
三殿災召羣臣直言得失震奏監生有單丁親老告侍
親者照例令侍養親終服闋起用其已經編伍者悉宜
宥免從之二十二年仁宗即位優遇隆渥恩禮有加嘗
從容上言百司庶政具有成法第悉遵祖訓行之勿有
所更則永世有賴仁宗嘉褒賜以綵幣鈔錠初命兼掌
太常卿事未幾加太子少師尋進太子太保仍兼禮部
尚書九月癸未震奏於上曰今喪服已踰二十七日請

如太祖倣漢制釋服纓易服楊士奇以為不可尚書蹇
義請兼二說明旦羣臣皆素衣冠黑角帶遂偕六部都
察院具奏報可明旦上素冠麻經出視朝文臣惟學士
武臣惟英國公如上所服餘文武羣臣皆從義所定朝
畢上召蹇義夏原吉楊士奇等諭曰呂震昨奏易服皆
與汝等議之前奏時我已疑其非但聽臣下易之祥宮
在殯吾豈忍易後聞士奇有言始知震妄士奇所執是
因嘆曰張輔知禮六卿乃有不及又顧義曰汝所折衷

亦未當然不必再以語人羣臣聽其便十二月庚午百官習新正儀於海印寺用樂明日楊士奇等乞勅禮部設樂不作不報震復言士奇所議不當士奇與議復進言遂有旨命禮部設樂不作正月初二日特召士奇四人奉天門諭之曰呂震每事誤朕卿等所執停樂是洪熙元年奉旨祀古皇帝王陵寢於關西復加厚賜俾訖事便道祀先省母比還值宣宗登極凡冊立封拜及宴勞事多任之震在禮部二十餘年凡禮樂制度郊廟祭

禮燕享錫賚朝覲會同之事莫不參酌古今以時舉行
太夫人家居年耄每形於憂念得承命歸省者三皆有
白金文綺之賜其歸也兩值關中飢即令所司出粟以
賑之既還條例以聞上多是之但震有通才不能持正
頗為清議所譏云宣德元年四月以疾卒於官年六十
有二

尚書胡濙

胡濙字源潔直隸武進人自幼端重不好戲嬉洪武中

登鄉薦登庚辰進士第擢兵科給事中尋陞右給事中
勤慎小心甚見委任成祖入正大統濙供職如故奏對
稱旨陞戶科都給事中丁亥命濙巡歷天下以訪異人
為名實欲察審人心向背也丙申還朝遭內艱詔起復
視事冬陞禮部右侍郎明年仍命巡歷江浙等處癸卯
自鈞褰還時駕親征北敵駐驛宣府濙馳見行在賜坐
與語因以民間欣戴之意慰勞而出先是仁宗在青宮
監國南京時有為飛語者成祖疑之命濙往察焉濙至

密疏七事皆誠敬孝謹上覽之大悅自是不復疑仁宗
嗣位遷太子賓客南京國子監祭酒宣宗嗣位復禮部
左侍郎兼職如故尋自南京入朝進行在禮部尚書益
見倚任漢庶人反濞贊上親征事平賜賚優厚丁未賜
近第於長安右門仍給閤者二人侍焉戊申賜銀範圖
書四其一以清和恭靖為文嘗以生辰令光祿寺賜宴
於其第己酉命兼詹事府事凡駕巡邊必命扈從辛亥
兼掌戶部行在事嘗遇天壽節御製詩以寵之仍面諭

之曰朕茂膺天眷惟爾翼贊之功因賜宴沾醉新建禮
部仍命光祿具宴落之勲戚公卿皆與濩每燕見即問
曰卿何所言凡有章疏即行之九載秩滿賜勅獎諭上
即位待遇尤厚凡軍國重務皆令與聞年及七十上章
乞致仕上勉畱之己巳上親征迤北命濩居守陞太子
太傅階榮祿大夫景泰中以立儲陞少傅兼太子太師
二俸兼支當畱守時廷議迎上皇衆相顧不敢言濩獨
以奉迎儀注送內閣上在南宮屢請百官朝廷安門不

報及復位濊力疾入見時年八十餘因以疾病不任朝
謁乞歸老且辭師傅二職上從之命以尚書致仕賜璽
書慰諭侑以白金寶鑑金織襲衣仍給傳以歸官其長
子寧為錦衣衛世襲鎮撫命歸終養天順七年卒事聞
贈太保謚忠安遣官諭祭勅有司營葬濊為人節儉寬
和喜怒不形於色待人溫恭有禮時以德量稱性多知
每朝廷建置太議皆預定於中而承迎於外卒能因時
以成其功名故歷事累朝幾六十年榮遇不衰位兼孤

卿富壽罕儷尤慕仙術招致術士出入無間以損譽云

尚書楊寧

楊寧字彥謚直隸欽縣人繇進士授刑部主事正統三年隨兵部尚書魏原巡視宣府大同邊備四年出師征剿麓川以中官監軍薦寧偕往至境賊款軍門約降主將許之寧曰兵未加而敵降是詐以誑我也宜嚴兵以備之已而賊兵果至以功特陞郎中六年仍舉麓川之師兵部尚書王驥總軍務薦寧偕往攻破杉木籠山柵

砦搗其巢穴師還以功進刑部右侍郎九年參贊雲南
軍務請置隴川宣撫司又即騰冲險塞築城控制蠻夷
戊辰巡撫江西詢求民瘼士民畏服景泰初召還進禮
部尚書與毘陵胡濙協心政務濟寬以嚴人謂得體後
二年以足疾調南京刑部天順初致仕未幾卒計聞遣
官賜祭營塋寧為人機警負才能善交權貴麓川之行
雖已成功而其不免於清議亦以此云

尚書楊善

楊善字思敬順天府大興縣人年十七為府學生成祖
皇帝舉兵靖難善與守城除典儀所引禮舍人永樂改
元擢為鴻臚寺序班改鳴贊累陞至本寺卿正統十三
年陞禮部左侍郎十四年遷都察院副都御史督守九
門尋陞右都御史景泰元年使北廷迎車駕回京遷左
都御史先是遣使迎請車駕額森以為非大臣不許及
善至果知其大臣善又有機變能動額森且自出財帛
以啖其衆遂得迎回三年以易儲加太子太保仍理鴻